



**SLUŽBENI GLASNIK
NOGOMETNOG/FUDBALSKOG SAVEZA BOSNE I HERCEGOVINE**

NOGOMET/FUDBAL BIH

P R A V I L N I K
o nespojivosti i deakumulaciji funkcija i dužnosti
NS/FS BiH

Sarajevo, april/travanj 2012.

Komitet za normalizaciju Nogometnog/Fudbalskog saveza Bosne i Hercegovine, na osnovu člana 35. Statuta NS/FS BiH i odluke FIFA Komiteta za hitnost od 12. 04. 2011. godine, na sastanku održanom 12.04.2012. godine, donio je

P R A V I L N I K

o nespojivosti i deakumulaciji funkcija i dužnosti NS/FS BiH

Član 1.

Pravilnik o nespojivosti funkcija u organima i tijelima NS/FS BiH (u daljem tekstu: «Pravilnik») reguliše obavljanje funkcija i dužnosti u nogometnoj/fudbalskoj organizaciji u skladu sa Statutom NS/FS BiH i drugim propisima kojima se definišu ova pitanja.

Član 2.

Pravilnik treba da afirmiše principe zakonitosti i etičnosti u nogometnoj/fudbalskoj organizaciji i obezbijedi deakumulaciju funkcija i dužnosti, omogućavajući na taj način angažovanje većeg broja kadrova i njihovo imenovanje na funkcije i dužnosti u nogometnoj/fudbalskoj organizaciji.

Član 3.

Poštujući princip nespojivosti zakonodavne i izvršne funkcije, delegati Skupštine NS/FS BiH ne mogu istovremeno biti članovi Izvršnog organa NS/FS BiH.

Član 4.

Članovi Izvršnog organa NS/FS BiH ne mogu istovremeno biti članovi nijednog stalnog komiteta NS/FS BiH.

Član 5.

Jedno lice može biti član samo jednog stalnog komiteta u okviru jednog nivoa organizovanja.

Član 6.

Nijedno lice ne može u isto vrijeme obavljati više od dvije funkcije na mjestu predsjednika državnog, entitetskog i kantonalnih/županijskih i područnih saveza.

Član 7.

Nespojiva je dužnost delegata i kontrolora suđenja u istom rangu takmičenja, osim u slučajevima definisanim posebnim propisima.

Član 8.

Članovi Komiteta za takmičenje, Komiteta za sudije, Komiteta za stadione i bezbjednost, Disciplinske komisije i Apelacione komisije ne mogu obavljati dužnost delegata i kontrolora suđenja na utakmicama koje se igraju u takmičenju kojim rukovodi savez u kojem obavljaju dužnost člana navedenih komisija.

Član 9.

Sudija koji je angažovan u nekom od klubova kao nogometni/fudbalski radnik, trener ili aktivni igrač, ne može obavljati dužnost sudije na utakmicama u rangu takmičenja u kojem se takmiči njegov klub.

Član 10.

Nijedan sudija, delegat i kontrolor suđenja ne može se nalaziti na više listi u različitim nivoima takmičenja.

Član 11.

Članovi organa NS/FS BiH, koji su učestvovali u rješavanju predmeta u prvostepenom postupku, u drugostepenom postupku mogu učestvovati u raspravi, ali nemaju pravo glasa prilikom donošenja odluka o tim predmetima.

Član 12.

U cilju omogućavanja imenovanja na odgovarajuće funkcije i dužnosti što većem broju nogometnih/fudbalskih kadrova pod jednakim uslovima, imenovani članovi nogometne/fudbalske organizacije mogu obavljati najviše tri funkcije, odnosno dužnosti, a koje nisu u nespojivom odnosu, od čega najviše dvije mogu biti u izvršnim organima, na svim nivoima organizovanja.

Član 13.

Entitetski savezi obavezni su dostaviti Sekretarijatu NS/FS BiH u pismenoj formi sadašnje stanje funkcija i dužnosti na svim nivoima u entitetskim, kantonalnim/županijskim i područnim savezima, u roku od 30 dana od dana objavljivanja ovog Pravilnika u Službenom glasniku NS/FS BIH «Nogomet/Fudbal BiH».

Član 14.

Generalni Sekretarijat NS/FS BiH obavezan je redovno pratiti provođenje i izvršavanje odredbi ovog Pravilnika i o tome pismenim putem obavještavati Komisiju za propise NS/FS BiH.

Član 15.

Entitetski savezi (NS F BIH i FS RS) su obavezni u roku od dva mjeseca od dana stupanja na snagu ovog Pravilnika uskladiti funkcije i dužnosti članova organa sa ovim Pravilnikom.

Član 16.

Ovaj Pravilnik stupa na snagu osam dana od dana objavljivanja u Službenom glasniku NS/FS BiH «Nogomet/Fudbal BiH».

PREDSJEDNIK

Ivan Osim